

# جَزَائِرِ حَاكِمِي

جمعه ایرتسی

| فومرو | ربیع الآخر | سنه  | کانون اول | سنه  | صحیفه |
|-------|------------|------|-----------|------|-------|
| ۵۲۴   | ۲۰         | ۱۳۰۷ | ۲         | ۱۳۰۵ | ۶۳۰۳  |

( اشبو غزته بهر هفته جمعه ایرتسی کونلری چیقار . سنه لکی درسعادت ایچون مجیدیه یکریمی غروش )  
 ( حسابیله التمش غروشدر . طشره لر ایچون اونیش غروش پوسته اجرتی ضم اولنور . بهر )  
 ( نسخه سی ینه مجیدیه یکریمی غروش اولمق اوزره یوز باره یه هریر ده صاتیلمور . درج اولنه حق )  
 ( اعلاناتک هر برندن بر مجیدیه اخذ اولنور . سنه لکنه مشتری اولمق استیانتلر عدلیه نظا رتی )  
 ( دائرة سنده کائن جریده محاکم اداره سنه مراجعت ایلملیدر )

## قسم غیر رسمی

( موسی بکک دردنجی محاکمه سندن )  
 ( مابعد )

شویله که او خانس اولجه افاده ایلدیکی وجهله سارقلرک  
 دلیکدن یتساق دخی چیقاروب کورتور دکرینی  
 سونلش ایکن حضور محکمه ده دلیکدن چیقاریلان  
 اشیا مباننده یتاق اولمدیغنی قطعاً بیان ایلدیکی  
 کبی چیقاریلان اشیا نه دن عبارت اولدیغنی

## قسم رسمی

توجیهات

جزایر سفید ولایتی مرکز بدایت محکمه سی  
 مدعی عمومی معاونی رفعتلو احمد لطیفی افندی به  
 رتبه ثالته توجیه پورلمشدر .





استيضاح اولئسنه قارشو قادينلرك البسه سندن  
وبله زك وسارته كبي شيلردن عبارت اولديغى  
وبله زكى نصل كوره بيلديكى صورلدقه ابتدا  
موسى بلك النده كوردىكى سويلش وبوبله  
ايكوز آديم مسافه دن بله زكى نصل كوردىكى  
سؤال اينلامى اوزرينه دى فرداسى اوده كى  
ادمردن ايشديكى افاده ايش اولديغى كى  
كندوسى خانه سندن چيقوب يالكز اوله رق  
طولا شقه ايكن مغديچك خانه سى يانه كندى كنده  
موسى بكي طامك اوزرنده كوروب يناشمه يقارم  
ديمسيله بر كوشه يه چكوب بر ساعت قدر طورش  
اولديغى استنطاقده كى افاده سنه ميان اوله رق  
سويلديكى وابتدا كى افاده سنده كيدوب سارقلى  
كوردىكى وقت دليك اچيلش واز برشى قالمش  
اولديغى بيان اينديكى حالد صكره كى افاده سنده  
كندوسى كندى كنده دليكى اچغه يكي باشلامش  
اولدقلى درميان ايتشدر موسى بك باجانك  
اوزرنده طورديغى حالد عمر بك و مراد ايله  
ديوارى نصل دللكرى استيضاح اولئسنه قارشو  
موسى بك يوقارودن وعمر بك ايله مراد اشاغيدن  
دللكده اولدقلى سويلش و دليك ديواردمى  
يوقسه طامدمى اچيلديغى و ديوارك بوكسلكلى  
صورلمى اوزرينه دليك او طه ديوارينك تملدن  
برآوشون بوكسلك كندن اچيلديغى و ديوارك

دخى افاده سى ينده يكي بر مبانيت حاصل اولمشدر  
اوحانس چيقاريلان اشيانك التى يوك اولديغى  
بيان اينديكى حالد بغوص ايكي يوك اولديغى  
سويلش و اوحانس اثنائى وقعه ده مهتابك وجودى  
افاده ايتش ايكن بغوص فى الحقيقه او كيجه مهتابك  
وجودى وار ايندسه ده زمان وقعه ده چيقامش  
ايدوكنى درميان ايتشدر معامله جبر و شدت  
اجراسيله غصبه شهادت ايدن هاجى كيغورق  
ايله ميناسه كلنجه دائره استنطاقده هاجى كيغورق  
تخمينا يكرى ايكي آى مقدم قيش وقتى براقشام  
ساعت اونبرده موسى بك اسملى بى بيان اينديكى  
دردت واسملى بى بيله مديكى بيان اينديكى بش  
شخص ايله مغديچك او طه سنه مسافر اولوب  
مرفومك باباسى اوحانس ايله يوك قونداشى  
قره بى باغلايه رق جبراً يكرى ليرا السديغى  
وپاره تدارك ايندنجيه قدر اوحانس و قره بت  
دردت بش ساعت باغلى قالدقلى سويلش ايكن  
ميناس بر بچق سنه مقدم قيشك كوچك پستقاليه  
پرهيزنده ججه ايرتسى كوفى موسى بك اسملى بى  
بيان اينديكى اوج و بيان ايند مديكى اون بش قدر  
اشخاص ايله مغديچك خانه سنى باصوب اوحانس  
ايله قره بى ديركه باغلايه رق يكرى ليرايى النجه  
چوزديكى وايكى اوج ساعت باغلى قالدقلى بى

بيان ايتش و بوصورتله هم وقعه تار ينجيه وهم  
اوحانسيله قره بتك باغلى قالدقلى مديجه وهمد  
موسى بلك رفقلى مقدارنجه مبانيت افاده لرى  
وقوعبولش و ميناس كويليلردن كيسه نك قورقو  
لردن يانلرينه كيتديكى سويلديكى حالد كندوسى  
طيشاروده موسى بلك بار كيرلرينه باقعه اولديغى  
بيان وديكر بر افاده سنده دخى كويليلرك رجا  
ايچون موسى بلك نرينه كلكارنى و اوصره ده  
كندوسيه كيدوب كوردىكى افاده و درميان ايله  
يكديكرى ميان افادته بولنشيدى حضور  
محكمه ده شومباينات تأليف اولنه مدقن بشقه  
هاجى كيغورق موسى بلك اون آتلاوايله كلكى  
وميناس ايسه چالومراد وعمر بك و برقاش كشى ايله  
يمنى هپسى بش التى آتلى اولدقلى حالد  
كلكارنى بيان ايدرك ايكيه يكدى كرينه و ميناس  
دائره استنطاقده سوزينه مخالف افاده ده  
بولنديغى كى هاجى كيغورق موسى بلك الدينغى  
اچقنك چله سى يكرى ليرا اوله رق عينا عثمانلى  
النونى اولديغى و ميناس ايسه برازى مجيدى  
وبرازى ليرا ايدوكنى سويلشدر هاجى كيغورق  
قره بت ايله اوحانس باغلانديغى حاضر اولديغى  
بيان ايتش ايكن ميناس اوئاده كندوسندن بشقه  
كيسه اوليوب هاجى كيغورقك پاره و برلديكى



زمان کیش و قره بت ایله اوخانسك ايکيسنى دخی باغلی کورمش اولدیغنی افاده ایشدر بو شاهدلر قره بت ایله اوخانسك بشقه بشقه دیرکه باغلاند. قلینی سو یلدکری حالدہ دیرکه باغلاندیغنی ادا ایدن قره بتك مدعی شخصی صفتیله محکمه یه ویردیکی استداده باباسی اوخانس ایله کندوسنك بر دیرکه باغلاندقلىنی بیان ایشدر هاجی کیغورق ابتدا قره بتك و صکره باباسنك چوزلدیکینی بیان ایدرك میناس ایسه بونك عکسنی افاده ایش و بو فعلنك کونز ساعت اونبرده وقوعبولدیغنی دائره استنطاقده سوناشلر ایکن میناس حضور محکمه ده کیجه تاجقلى وقت وقوع بولدیغنی بیان ایشدر مالخاصك قتلی ماده سنه شهادت ایدن پاپاس قصپار و درتمت افندیلره کلجه دائره استنطاقده قصپار ایکی بچق سنه مقدم برقیش وقتی اقشام ساعت اونبر راده لرندہ درتمنك خرمانه کیدوب بش غروش ایستدیکنی و اوصره ده موسی بك قارشولرنده تخمیناً اون بش یکر می خطوه مسافه ده یالکز اوله رق بر چقور ایچنه اوتوروب دکرماندن کلکده اولان اوج آدمك بریسی اولان مالخاصی درت بش دقیقه مسافه دن اوردیغنی سو یلدیکی حالدہ پاپاس درتمت ایکی سنه سکز آی مقدم شباط ایچنده بر بازار کونی اقشامی ساعت اونبر ده کندو بر بشلك ایستك اوزره خرمانه کلان پاپاس قصپار ایله لقردی

ایتمکده ایکن موسی بك کلوب کندولرینی کچهرک صمانلغك ارقه سنده کی چقوره ایندیکنی و چقورک کندولرینه بش خطوه مسافه سی اولدیغنی و موسی بك اورادن نشان الهرق مالخاصی اوردیغنی و مالخاصك یوزالی ایکی خطوه مسافه دن اوردیغنی و هوانك درمانلی اولدیغنی بیان ایدرك هم زمان و موقعیه و همده هر ایکی مسافه جه یکدیگرینه مابین افاده لده بولندقلری کبی پاپاس درتمت مالخاص اوردقدن صکره اوینه کیدوب قصپارک ایستدیکی بش غروشی ویردیکنی و قصپار ایسه المدیغنی و مرقوم قصپار موسی بك کندولرینی مالخاصك خانه سنه چاغیردوب وقعه یی قاش ایتملری و حکومه خبر ویرمکسزین جنسازه یی دفن ایتلری ایچون اجرای تنیها تهنیدات ایلدیکنی سو یلدکری حالدہ درتمت موسی بك کندولرینی مسافر اولدیغنی ماردیروسك خانه سنه ایکی دفعه چاغردوب اجرای تنیها تهنیدات ایلدیکنی سو یلدکری یکدیگرینی تکذیب ایشلر ایدی.

کندولرینك اوتوردقلر محل ایله موسی بكك اوتوردیغنی چقور ایکیسنه دخی اورو تعریف ایتدیرلدکده موسی بكك اوتوردیغنی چقور صمانلق ارقه سنده اولدیغنی و کندولری صمانلغك اوکنده اولان خرمن یرنده اوتور مقده بولندقلرینی و صمانلغك اوکی دکرمان جاده سنندن ایدوکنی بیان ایدوب شو حالدہ موسی بك قارشولرنده کی چقور ایچنده اوتوردیغنه دائر قصپارک استنطاق دائره سنده سو یلدیکی سوزایله محکمه ده کی سوزلر یننده مبانیت حاصل اولدیغنی کبی صورت تعریفلرینه کوره صمانلغك اوکنده اولدقلری حالدہ دکرماندن کلکده اولان آدملری کوره یتلری تمکن ایسه ده صمانلغك ارقه سنده کی چقور ایچنده اوتوردیغنی بیان ایلدکری موسی بكك نشان الهرق مالخاصه تفنك ایدیغنی کورملری و موسی بك صمانلغك اوک طرفندن کلان آدملری صمانلغك ارقه جهنندن کوروب نشان الهرق مالخاصی اورمسی امکانسز کورنمسنه نظراً بوباده کی افاده لری قابل تألیف اوله مامشدر وشو میانیتلرک حل ایچون اخیراً وقوعبولان بر سؤاله قارشو پاپاس درتمت موسی بكك ارقه سنندن کیدوب براز یناشدقلرینی دخی بیان ایشدرکه خرمن یرنده اوتور مقده اولدقلری حالدہ کوردکری حقنده کی افاده لرجه بر مبانیت ده حاصل اولشدر قصپار دائره استنطاقده قار اولوب اولدیغنی

یتلیدیکنی سونیشیکن محکمه ده قار یاغدیغنی افاده ایش و پاپاس درتمت دائره استنطاقده و محکمه ده هوانك بلوطلی اولدیغنی بیان ایلدیکی حالدہ قصپار ابتدا بلوط اولدیغنی و مؤخرأ دخی فکرینه ایدو کلدیکی درمیان ایشدر پاپاس قصپار دائره استنطاقده موسی بكك کندوسی ایله درتمت صباحلین مالخاصك خانه سنه جلب ایله اجرای تنیها تهنیداتده بولندیغنی سو یلدیکی حالدہ محکمه حضورنده موسی بكك مالخاصك خانه سنه یالکز کندوسی جلب ایله تنیه و تهنید ایلدیکنی سونیشدر درتمت ایسه موسی بك کندولرینی ماردیروسك اوینه ایکیسنی چاغروب تنیها تهنیدات اجرا ایلدیکنی سو یلدکدن صکره مبانیت واقعه اوزرینه لدی السؤال اوجه فکرینه کلوب فقط موسی بك کندوسی ماردیروسك خانه سنه جلب ایدرك صکره مالخاصك خانه سنه کتدکلرندن پاپاس قصپاری اوراده کوردیکی بالیان محکمه ده کی افاده لرله تألیف ایتك فکریله استنطاقده کی افاده مکرره قطعیه سنه مخالف سوزده بولشدر مالخاص ایله برابر دکرماندن کلکده اولان ایکی شخصك کپل ایدوکی صورلدقه تشخیص ایده مدکلرینی بیان ایتلری اوزرینه بونلر کندو قریه لری اها لیسندن اولوب مالخاص اوردیغنی محلدن قالدر لدیغندن انلرکده کویه برابر کده جکلری



وبالطبع کور يشهرک انلردن معلومات اله جقلى  
درکار اولسنه نظراً بوباده معلوماتلى تکرار  
صورلمش ايکن کيلر اولدقلىنى بيلدکلىنى بيانده  
اصرار ايتلشدر موسى بک طرفدن مالمصاصک  
اوغلى اوسبه التديغى بيان اولنان قزک نکاحنده  
بولدقلىنى سويلدکلى حالده اسمى نه ايدوکنى  
بيلدکلىنى افاده ايتلشدر موسى بک وقع کيجه سى  
مارديروسک خانه سنده قالدیغى شاهد پاپاس  
درتمک ومالمصاصک کيجه وفات ايدوب کيمسيه  
خبر ويرمديکنى وموسى بک خانه لرینه کلدیکنى  
وقط جنازه قالدیر يله جنى وقت خانه قپوسنک  
حارجنده کوردیکنى مدعيه شخصيه قاش خاتونک  
بيان ايتش اولميرنه نظراً موسى بک مالمصاصک  
وفاتنى ايرتسى کونى خبر الوبدہ پاپاسلى جلب  
وتهديد وتنبیه ايله جنازه حاضرلنديريلنجيه قدر  
ارهدن خيلى وقت کچمک لازم کور ايکن پاپاس  
قصيار جنازه کونشک طلوعنى معقب ودر تم  
دخى ساعت ايکيده قالدیرلديغى بيان ايتلشدر  
بونلرک شو تعداد اولنان مبانيت وعدم مناسبت  
افاده لرندن بشقه قارلى وبلوطلى برهواده قصيارک  
افاده سنه کوره درت بش دقيقه ودرتمک بيانته  
نظراً يوز اللى ايکيوز خطوه مسافه دن کندولرينک  
تشخيص ايدمه دکلىنى بيان ايتدکلى اوچ شخص  
مياننده کى مالمصاصى موسى بک تشخيص وتفریق

ماده سى حکمى بر اقلش اوله جنى جهتله احکام  
قانونيه نک حسن جريانى تأمين ومقصود عدالتى  
انظار عموميه ده تعيين ايچون شاهدلر حققرنده  
معامله قانونيه نک اجراسنى طلب ايتمکده اولديغى  
ومدعى شخصى وکيلى سيمون افندى دخى  
شاهدلر حققرنده شاهد کاذب معامله سنک اجراسى  
متهمک برائتسه قرار ويرلش اولمى ايله  
مشروط اولوب زيرا قبل الحکم بومعامله  
اجرا ايديلور ايسه احساس رأى ايتدیرلش اوله  
جغنى بيان ايتلر يله بوباده کى تحقيقا تک اجراسى  
حاصل اوله جق نتيجه يه کوره مؤخرأ دخى طلب  
واجرا ايديله يله جکندن شمدي اساس ماده حققرنده کى  
ادما ومطالعہ لر ينى بيان ايتلر جانب رياستدن  
اخطار اولدقده مدعى عومى موسى اليه خالد  
بک افندى تدقيقات واقعه اقتضا سنجه شاهدلرک کاذب  
اولدقلى اکلشديغندن حققرنده طلب سابق  
وجهله معامله قانونيه اجراسى لابد اولوب مع  
مافيه مادامکه شومعامله نک تأخيرى واساس ماده  
حققرنده کى ادما نک درمياى تنسيب ايدلشدر شو  
حالده اساسه تعلق ايدن مطالعه يى بيانه مجبوريت  
حاصل اولديغندن بحثله شاهدلرک کذبته دلالت  
ايدن مبانيت وامارات ذاتاً بر تفصيل افاده  
ايدلديکى کى دعوا جيلرک افادات متخالفه سى دخى  
اول و آخر وقوعولان تشریحاته مذکور ايدو-

کندن بونلرک تکراره لزوم اوليوب يالکزمقرديجک  
دائرة استنطاقده وقوعولان افاده متباينه سندن  
بريده مغازه يانقمده ايکن شاهدلردن بفوصک خانه  
لرینه کلوب اخبار ايتمى اوزرينه کيدوب باقدقلى  
نده موسى بک ايله عونه سنک مسلحاً مغازه يى آبلوقه  
ايدرک اطفا سنه ممانعت ايتدکلىنه دائر وبو ايسه  
حريق شاهدلرينک صورت افادانه تماميله مخالف  
ومقابر اولغله برابر مغازه مقرديجک ديدیکى کى  
موسى بک ايله عونه سى طرفلردن ابلوقه ايدلش  
اولسه ايدى مغازه نک ايچنده اولوب تخلص  
اولدقلى شاهدلر طرفدن بيان اولنان قيناس ايله  
خدمتکار اوحانسنک وجودلر دکل کوللر ييله  
بولنامق لازم کله جکنى والحاصل شاهدلرک برر  
بر افاده اولنان وکذبلى بنى اظهار ايتش بولنان  
مبانيت کليه افاداتى ودعوا جيلرک صورت  
متخالفه ده کى دعوا لرینه شهادتک عدم مطابقتى  
بودعوارک کاملاً مزور اولديغنه کندوسنجه  
قناعت کامله وجدانيه حاصل ايتش اولديغندن  
شواحوال ايله موسى بک مجرميتى طلب ايتکى  
کرک وجدانى وکرک وظيفه قانونيه سى تجويز  
ايدمه مامکده اولديغنى وبونکله برابر حکام کرام  
رايلرنده حائز استقلال تام اولغله وذاتاً دعوى  
سبق ايتدیکنه مبنى بوشروط اساسى دخى محافظه  
ايدلش بولمغله کندوسنجه تدقيقات واقعه دن



حاصل اولان فکر برائت هیئت حاکمه نك اراسنی  
اخلال ایده میه جکئی و بنابرین بوبابده اولان افکار  
و مطالعاتنی بیان ایتش اولدیغندن محکمه نك  
تقدیرینه تعلق ایدن قراره انتظار ایتکده بولند.  
بغنی بیان بلدی بونك اوزرینه مدعی شخصی  
و کیلی سیمون افندی برورقه قرائت ایدرله خلاصه  
مالی متهم موسی بك حقنه اجرا قلنان تحقیقات  
و محاکمه اثباتنده جالب نظر دقت ایکی نقطه یه  
تصادف ایدیه جکی طبعی اولوب بونلردن بریسی  
موشده اجرا اولنان تدقیقات ایله در سعادته  
وقوع بولان تحقیقات ابتدایه واستنطاقیه میاننده  
اولان مبانیت وری دخی حضور محکمه ده واقع  
اولان شهادتده کی مخالفت اولدیغنی و فقط در سعادته  
اجرا قلنان تحقیقات ابتدایه مضبوطه می قانونك  
تعریف ایتدیکی اوراق رسمیه دن معدود بولندیغنی  
و موشجه واقع اولان تدقیقاتدن طولانی اشکابی  
حاری رباب قرتاب شاهانه یه تقدیم قلنان  
عرض حالر اوزرینه ایشك قانون عدالتك پیشگاه  
حقانیتنده رؤیتی شرفصدور ایدن اراده اصابت  
هاده جناب شهنشاهی اقتضای عالیسنندن اوله رق  
شو حالده تحقیقات محلیه و ابتدایه مابه التطبيق  
اوله میه جغنی نظر دفته نتیجه برنجی نقطه زائل  
اوله جغنی کی مدعی شخصیلرک قبلرنده صافلق

پدری اوخانسیك دروننده صمان و چغت ادواتی  
واشیای سائره سی بولنان مغازه سیله اوج یغین  
اوت و بریغین اودون و خرمنده بولنان اوتوز بش  
عربه آر په نك موسکی موسی و برادری جزایر  
وانشته سی عمر بکرایله چالو مرادوساثره طرفلرندن  
احراق اولندیغنی و بوقوماندن ایکی آی صکره  
ینه موسی و عمر بکر و چالو مرادك دیگر رقاصیه  
پدری اوخانسیك خانه سی دیوار بینی دله رك بوله  
بیلدکری اشیای سمرقت و مؤخرأ بنه بونلرک بر  
کون اقشام اوزری ساعت اونپر راده لرنده خانه  
لرینه کلوب برادری قره بت و پدری اوخانسی  
باغلیه رق جبر و تهدید ایله یکریمی لیرا غصب ایلد.  
کربنی بیان ایتش وشو سوزلرینی شهود معلومه  
ایله اثباته قاشمش اولوب حالبوکه مرقوم مگردیمک  
یکدیگر یله قابل تألیف و توفیق اولمیان افاداتنده کی  
مبایعات و غرائبندن برنجیسی استنطاقنامه نك برنجی  
صحیفه سنده بحرر اولدیغنی و جهله کویا موسی بك  
طرفندن احراق اولنان مغازه دروننده او  
کیجه قردادشی قیناس ایله خدمتکاری  
اوخانسیك یا تمقده اولدقلى جهته البسه لرینك  
یا تمش اولدیغنی سو یلدیکی و وجود انسانك  
ایسه هرشیدن زیاده مستعد اشتعال بولندیغنی  
حالده بونلرک البسه لری یا بوبده وجودلرنده آثار

احراقندن برشی کور یله مامش اولسی و اینکنجیسی  
مرقوم مگردیمک ایله پدری و عائله سنك بیتونت  
ایتدکری خانه محترق ایدوکی بیان ایدیلان قریه  
خارجنده کی صمانلقدن دهامین و مضبوط اولوب  
بناء علیه قیتمدار اولان اشیانك مذکور صمانلق کی  
طاغ باشنده بولنان امنیتسز بر محمله حفظ ایدیه.  
میله جکی امر آشکار ایکن مگردیمک بویله قیتمدار  
اشیای صمانلقدن حفظ ایتدک دیمسی و اوچنجیسی  
استنطاقنامه نك برنجی صحیفه سنده عیناً محرر  
اولدیغنی اوزره مستنطقك (حریقك موسی بك  
وعونه سی طرفلرندن ایقاع ایدلیدیکی نصل کوردیکز)  
سؤالنه بزاووردق کویز اهالیسنندن بغوص  
کلدی خبر ووردی کیدوب باقدفکه موسی بك  
و جزایر و عمر بکر و چالو مراد ودها سائره لر  
ابلوقه ایتش کیسه یی براقدیلر سلاحله بکیورلردی  
مغازه یاندی و طیشاروسنده بولنان اوت و اودون  
یغینلریله خرمنده کی اوتوز بش عربه ارپه یی دخی  
یاقدیلر دیهرک حریق خبرینی المی و محل حریره  
کیدوب کورمک فعللرینی نفسنه مضاف قیلش  
اولسنه قارشو مستنطقك تحقیقات ابتدایه ده کی  
افاده سنده بو یاغیننده بتلیسنده بولندیغنی سو یلش  
اولدیغندن بختله تکرار واقع اولان سؤال اوزرینه  
بن بتلیسنده ایدم دیمش وشو حالده موشده کی



یانغینی نصل کوردک دیه ایراد ایدیلان سؤاله دخی  
یاکش سویلدم بن بتلیسده ایدم قونداشمله کوبلی  
کوردی جـوابلرینی ویره رک بوصورتله برآنده  
وقوعبولان افاداتک یکدیگرینی مکذب بولنمی  
ودردنجیسی وقوع حریق اخبار ابتدیی بیان  
اولنان بغوصک افادات مضبوطه سنه نظرآمقردیچک  
خانه سنه کیدوب اخباراتده بواندیغنک بی اساس  
ایدوکی اکلاشلی و بشنجیسی مغردیچ افاده  
مضبوطه سنه بوندن اوچ سنه مقدم احراق  
ماده سندن طولانی محلی حکومتده مراجعته موسی  
بکدن دعوی ایتدکرینی بیان ایتمی اوزرینه  
اولباده وقوعبولان استعلامه جواباً موش مدعی  
عمومی معاونلکندن عدلیه نظارت جلیله سنه وارد  
اولوب دائرة استنطاقه حواله بیوریلان تحریرات  
رسمیه ده موسی بک و یاخود اقربا سندن متوفی سلیمان بکک  
اثر تحریکری اوله رق صمانلغک دروننده کی کیا  
واشیای سائرهنک احراق اولندیغی مرقوم  
مغردیچک پدری اوچانس طرفندن ادما ایدلمش  
ایسه ده اثبات مدعا ایده مدیکی محرر اولدیغی حالده  
مرقوم مغردیچک شمدی ماده احراقی یالکز موسی  
بکک ایقاع ایتدیکنی ادما به و تم تدارک ترتیب ایتدیکی  
شاهدلر ایله اثباته قالمشیمی و النجیسی مغردیچ  
هر تقدیر افاده مضبوطه سنه کوی اهاالیسنک موسی

مغردیچ موسی بکک برادری جزایر بکک دخی  
کویا ماده احراقده حاضر بولندیغی افاده ایتشدکره  
احراقک وقوعی عطف ایتدکرینی زمان جزایر  
بکک هنوز طقوز اون یاشنده برصبی اولمسی  
ومغردیچک افاده سنک صحتی فرض اولنسه بیل  
اوله برصبینک کچه یاریسی ایقاع جنایاتده حاضر  
اوله بیله جکی مستحیل بولنمی ملائسه سبله مغردیچک  
شوافاده سی موسی بک خاندانی سوندرمک مقصد  
غرضکارانه سنه مبتنی اولدیغنه شبهه قالماسی  
وطقوزنجیسی مغردیچک وقعه احراقدن ایکی ای صکره  
پدری اوچانسک خانه سی دیوارینکینه موکلی  
موسی بک و رققامی طرفلرندن دنه رک اشیا سنک سرقت  
اولندیغی و بوندن طولانی حکومتده مراجعت  
ایتدکرینی افاده ایتش اولوب حاله بوکه کیفیت  
سرقت مقدا حکومت محلیه به بالاخبار مارنک  
قریه لی حاجو اوغلی درویش حقنده اقامه دعوی  
ایتش اولمسی مغردیچک بوباده کی افاده سنک دخی  
کذب اولدیغنه دلالت ایتدکره اولمسی و اوننجیسی  
موسی بک کی اولدقجه زنکین ومدنی الطبع بر  
ذاتک سرقت فعلنی ارتکاب ایتیه جکی درکار  
بولنمی و اونبرنجیسی استنطاقنامه نک ایکنجی  
صحیفه سنه محرر اولدیغی وجهله مستنطقک  
بوسرقت فعلنی کورنلر واری سؤالنه جواباً

مابعدی وار



# اعلان

اوجيوز بش سنه سی نیسانک اون التنجی  
پازارکونی اطه پازاری قضاسیله صبا نجه ناحیه سی  
اره سنده وساعت سکر راده لرنده اطه پازاری  
بدایت محکمه سی رئیس علی رضا و دامادی  
مکتب حقوق طلبه سنندن مصطفی افندیلر ایله  
اعضا عمر بکک اوزون قوم تعبیر اولنان موقعه ده  
مسلماً اوکلیینه چیقهرق رئیس موخی الیه ایله  
دامادینک بر ساعتلینی و عمر بکک مع کسه بش  
مجیدیه سنی و بو وقعه دن بش دقیقه اولجه محل  
مذ کوردن مرور ایتمکده اولان اقایازی ناحیه سنک  
بورطان قریه سنندن لاز حاجی محمد افندی بی دخی  
طوتوب اورمانه چکهرک بر روو اور و اوتوز بش  
غروش پاره سنی وینه یوم مذ کورده فلاجی  
طاغ نام محله ده شوسه طریق مهندس لرندن موسیو  
پارتیلی ایله برنفر رفیقنک اوکنسه چیقهرق قرق  
غروش قدر پاره لری و بو وقعه دن بش کون  
مقدم از میددن اطه پازارینه کیتکده اولان قره  
حصار صاحب سنجانی اهالیسنندن و طایفه علومدن  
حافظ عمر افندی بک دخی ینه صبا نجه یولنده اوکنه  
چیقوب کندوسنی بالنهدید بر عدد جبه و اون غروش  
پاره سیله بر عجم شالی و یوم مذ کورده کیوه دن

کلیکده اولان بوش کرا عربه سنک اوکنه چیقهرق  
عربه جینک اوزرنده پاره واشیا بوله ماملرندناشی  
توتون کیسه سنی و بو وقعه دن بدی کون مقدم  
ترلاسنده ایشلیکده اولان صبا نجه ده مقیم حلواچی  
عبدالرحمن نام کسنه بی ترلاسنده مسلماً باصدیروب  
وجسماً اذا وجفا ایدوب دروننده اون سکر عدد  
یکرمیلک مدوحیه التونی بولنان کرینی و برقطعه  
برات طالبشانی و بر مقدار اوقعلق پاره و البسه سنی  
و صبا نجه لی ینجی علی اوسنه و مانیفو طره جی  
یوسف و دیگر یوسفک روو لورینی و حاجی مرجان  
اوغلی علی افندی بک بررأس بارکیرینی اخذ و غصب  
ایتدکری اداسیله جنایتله اتهام ایدلش اولوب  
الآن وادی فرارده بولنان و عن اصل باطوم  
مهاجرلرندن اولوب از میدک معموریه قریه سنده  
ساکن اوتوز یاشلرنده اورته بویلی بغدادی بکزی  
صول کوزنده اق نشانه لی چیچک بوزوغی  
علامتی طیقنازجه قرال و قبا بقی چاتیق قاشلی  
مطروش کور مصطفی دیمکله معروف کورجی  
مصطفی بن ابراهیم نام کسنه یه بوکره طرف  
ریاستدن مجدداً تاریخ اعلاندن اعتباراً اون کون  
مهل ویرلش اولدیغندن ینه بومدت ظرفنده کلوب  
اثبات وجود ایتدیکی صورتده اصول محاکمات  
جزایه قانون موقنک باب رابعک فصل نایسنده  
محرر مواد احکامنه توفیقاً محاکمه سنک غیباً رؤیت  
ایدیله جکی و اموالنک دخی جزاولنه جفی و مرقومک

منشکل هیئت اتهامیه دن اعطا قلندی

فی ۱۴ تشرین ثانی سنه ۳۰۵

فی ۸ تشرین ثانی سنه ۳۰۵

اوجیوز بش سنه سی مارتک اون اوچنجی  
پازار ایتسی کونی صبا نجه ناحیه سی اهالیسنندن  
کوچک افا اوغلی حافظ محمد افندی ایله خدمتکاری  
یانباش اوغلی ابراهیم اثنای راهده اوکلیینه  
چیقهرق معامله جبر و شدت اجرا سیله معلوم  
المقدار نقود و اشیا سنی اخذ و غصبه اشتراکی  
ادعا قلمسنندن طولابی مظنون علیه اولوب حال  
فرارده بولنان اورته بویلی طیقنازجه اگری  
بویلی از تربیقلی چاقر کوزلی سیاه قاشلی صاریجه  
صاچلی کاه قیالرده و کاه کتاهیه ده طاوور اضافی  
قبولات بک نزدنده اقامت ایدن یکریمی بش یاشلرنده  
معان قویج بن عبداللهک حرکتی قانون جزانک  
التمش ایکنجی ماده سی علاوه سنک فقره اخیریه سی  
حکمنی مستلزم افعال جنایتیه دن بولنش و اصول  
محاکمات جزایه قانونک باب رابعک فصل نایسنده  
محرر مواد احکامنه توفیقاً از میدد بدایت جزا  
محکمه سنده محاکمه سی اجرا اولمق اوزره جنایتله  
اتهامنه قرار ویرلش اولدیغندن متهم مرقوم معان  
قویج هر زرده کوریلور ایسه طوتیلوب محکمه  
مذ کوره توقیفخانه سنه تسلیمی بالجمله ضابطه

بولندیغی محلی ییلانلر خبر ویرمهک و بالجمله ضابطه  
عدلیه مأمورلری مرقومی دردست ایتکده مجبور  
اولدقلری بیلنک اوزره اعلان کیفیته ایتدار  
اولنور

نظامیه خزینه سنک طقسان درت و بش  
سنه لینه حائد دیونات صورتلرندن ایکی قطعه سنک  
بالاسننده کی مشروحاتی حک ایتدیکی اداسیله  
مظنون علیه اولوب غیر موقوف ایدوکی اوراق  
تحقیقه مندرجاتدن اکلاشیلان و یوز الی اوچنجی  
ماده قانونیه حکمنه موافق کوریلان حرکتندن  
ناشی جنایتله اتهامنه قرار ویریلان الا کوزلی قرال  
تریقلی سیوری برونلی مطروش اچیق النلی  
اوزونجه بویلی اسکدار دائرة بلدیه چاوشلرندن  
یکرمی بش یاشنده جدی چاوش بن احمدک هر زرده  
کوریلور ایسه طوتیلوب محکمه مذ کوره  
توقیفخانه سنه تسلیمی لازم کله جکی بالجمله ضابطه  
عدلیه مأمورلری بیلنک معلومی اولمق اوزره ایشبو  
اخذ و گرفت مذ کوره سی استیناف جنحه نزدنده



مذکره سی محکمه استیناف جنحه دائره سی نزدنده  
متشکل هیئت اتهامیه دن بالنظیم اعطا قلندی .

فی ۱۶ تشرین ثانی سنه ۳۰۵

عدلیه مأمور لر بنک معلومی اولق اوزره اشبو  
اخذ و گرفت مذکره سی محکمه استیناف جنحه  
دائره سی نزدنده متشکل هیئت اتهامیه دن بالنظیم  
اعطا قلندی .

فی ۲۳ تشرین ثانی سنه ۳۰۵

ازمیده تابع جامعلی کوینده ساکنه رام اوغلی  
علی عثمانک کلبنی ذکیسه خانونک کیفیت احراق  
واتلافه اشتراک لرندن طولایی مظنون علیهما  
اولوب غیر موقوف بولندیغی اوراق تحقیقه دن  
اکلاشلش اولان قریه مذکوره اهلایسندن اورته  
بویلی ضعیفه وجودلی صاری بقیلی صاری  
قاشلی قره کوزلی انجه برونلی رام اوغلی بکرمی  
یدی یاشنده محی الدین و بکرمی اوج یاشنده حوا  
بنت طاهرک قانون جزانک قرق بشنجی ماده سی  
منطوقجه یوز یتمشنجی ماده سی حکمنه توفیقاً  
واصول محاکات جزاییه قانونک باب رابعنک  
فصل ثانیسنده محرر مواد احکامنه تطبیقاً ازمیده  
بدایت محکمه سی جزا دائره سنده محاکم لری اجرا  
ایدلک اوزره جنایتله اتهاملرینه قرار ویرلدیکندن  
متهمان مرقومان هر زرده کوریلورایسه طوتیلوب  
محی الدینک ذکوره و حوانک دخی نسایه مخصوص  
اولان محکمه مذکوره توقیفخانه سنه تسلیمی  
بالجمله ضابطه عدلیه مأمور لر بنک معلومی اولق  
اوزره اشبو اخذ و گرفت مذکره سی درسعادت

قاسم پاشاده ترسانه قیومنده بکرمی بش و یا  
بکرمی سکزنومرولی دکانه بقالاق ایدن یورکینک  
کیفیت جرحندن طولایی مظنون علیه اولان  
تبعه ابرانیه دن ایریجه اوزون بویلی طیقنازجه  
اسمر بکزی ایری قعالی سیاه چاتیق قاشلی قره کوز  
وبقیلی و سیاه صاچلی ایری برونلی مطروش چکه لی  
تخمیناً اوتوز یاشنده ایاقده تنباکو جیلک ایدن  
حسن حقنده اوراق تحقیقه ده درمیان اولنان  
دلائل و اخبارات اتهامنه درجه کفایه ده کورلمش  
و حرکتی قانون جزانک یوز یتیش یدنجی ماده سی  
حکمنی مستلزم افعال جنایتیه دن بولنش ایدوکنندن  
اصول محاکات جزاییه قانونک باب رابعنک فصل  
ثانیسنده محرر مواد احکامنه توفیقاً محکمه جنایتیه  
محاکمه سی اجرا اولتق اوزره جنایتله اتهامنه  
قرار ویرلدیکندن متهم مرقوم تنباکوچی حسن  
هر زرده کوریلورایسه طوتیلوب محکمه مذکوره  
توقیفخانه سنه تسلیمی بالجله ضابطه عدلیه مأمور  
لر بنک معلومی اولق اوزره اشبو اخذ و گرفت

محکمه استیناف جنحه نزدنده متشکل هیئت  
اتهامیه دن بالنظیم اعطا قلندی .

فی ۲۷ تشرین ثانی سنه ۳۰۵

اعلام موجبجه محکوم به الاجنحی اولان مبالغ  
معلومه نک تأمین استیفاسی ضمنده مدیون مووی  
الیهک عهده تصرفنده اوله رق تحت بجزه النان  
جهانگیر جاده سننده واقع بکرمی درت نومرولی  
وتقریباً طقوز یوز ارشون مقداری دروننده ایکی  
کبیر و برصغیر صهرنجی و برجام انقاضی شامل  
وموقعی غایت مرتفع و زمیننده بوغاز ایچنه واطدر  
ایچقربینه طوغری نظارت کامله بی حاز برقطعه  
عرصه نک نصفی دینه کفایت ایتسندن ناشی اون  
بش کون صکره بالمزایده فروخت اولنده جنحی  
اعلان ایدلش ایسه ده مدیون مووی الیهک ذکر  
اولنان دینی مقابلنده مذکور عرصه تمامنک  
فروخته موافقت ایلش اولدیغنه مبنی تمامنک  
مزایده سنه تثبیت اولدیغی درسعادت اعلامات  
نظامیه اجرا دائره سنندن اعلان اولنور .

فی ۲۲ تشرین ثانی سنه ۳۰۵

امامه بی بکر افندیکنک اجد افندی ذمتنده  
درسعادت بدایت محکمه سی برنجی حقوق دائره  
سندن استیصال ایدوب عندالاستیناف تعدیلاً  
تصدیق ایدیلان فی ۲۰ مارت سنه ۳۰۵ تاریخلی



چوقه جی خاتنه ۷ نومرولی او طه ده مقیم  
هارون لیئون نام کسینه نك در سعادت طاشجیلر  
جاده سنده ساکن ایکن بوکره محل اقامتی مجهول  
بولندیغی خبر ویرلکده اولان س کهیا اوغلی نام  
کسینه علیهنه در سعادت محکمه تجارتی ایکنجی  
مجلسنده اون بش عدد لیرای عثمانی مطلوبات  
وافلاس و مبلغ مذکورک دیوزتو اچیه سندن  
تسویه اولنسی حقنده اقامه ایلدیکی دعوانک  
پک اوچیوز بش سنه سی کانون اولنک اون  
سکرنجی بازارتسی کونی ساعت یدیده محکمه  
مذکوره ده فصل ورؤیت اولنه جغندن بوم و وقت  
مزبورده مرقوم س کهیا اوغلی حاضر بولتز  
و طرفندن مصدق سندله وکیل کوندرمز ایسه  
حقنده اصول محاکمه تجارت نظامنامه سنک بند  
مخصوصنه توفیقاً معامله غیایه نك اجرا اولنه  
جغنی معلوم اولق اوزره تنظیم اولسان ورقه  
دعوتیه دائره دیوانخانه سنه تعلیق اولندیغی کبی  
غزته لرله ده اعلان کیفیتیه ابتدار قلندی

فی ۹ ربیع الآخر سنه ۳۰۷

وفی ۲۰ تشرین ثانی سنه ۳۰۵

مصطفی رشید بکک خدیجه نادره وفاطمه  
فطنت خاتمر ذمترنده محکمه تقشیدن اعطا  
بیوریلان فی ۸ صفر سنه ۳۰۷ تاریخی برقطعه  
اعلام شرعی موجبجه الاجفی اولان مبالغ  
معلومه نك تأمین استیفاسی ضمنده خانم موی  
الیهمانک عهده لرنده اولوب وفاء مفروغ و وکالت  
دوریه ایله فروختی محکوم بولنان غلطه ده جامع  
جدید محله سنده محمودیه جاده سنده واقع فرقنده  
برباب او طه ایله تحنده بر عدد بودرومی مشتمل بوز  
ایکی نومرو ایله مرقم برباب یورغانجی دکانک  
نصف حصه سیله دروننده موجود کدکنک نصف  
حصه شایعه سی اشبو تاریخ اعلاندن اعتباراً  
اون بش کون صکره بالمزایده فروختنه تشبث  
اولنه جغندن طالب اولنرک پی سورمک و بوندن  
دها زیاده معلومات المی استیانتلرک مدت مذکوره  
ختامندن صکره در سعادت علامات شرعیه اجرا  
دائرة سنه مراجعت ایللری

فی ۲۸ تشرین ثانی سنه ۳۰۵